

八
代
詩
選

漢至隋

八代詩選二十

襍體全卷

長沙湘潭王闔運撰

漢武帝劉徹

柏梁詩

漢武帝元封三年作柏梁臺詔羣臣二千石有能爲七
言詩乃得上坐

日月星辰和四時

帝

驂駕駟馬從梁來

梁

王郡國士馬羽林

材

大司馬

總領天下誠難治

丞相

和撫四夷不易哉

大將軍

刀筆之吏臣執之

御史大夫

撞鐘伐鼓聲中詩

太常

周宗室

廣大日益滋

宗正劉安國

周衛交戟禁不時

衛尉路博德

總領從宗

漢至隋

柏梁臺

光祿勳徐自爲

平理清讞決嫌疑

廷尉杜周

修飾興馬待駕來

太僕公孫賀

郡國吏功差次之

大鴻臚壺充國

乘輿御物主治之

少府王温

舒陳粟萬石揚以箕

大司農張成

徼道宮下隨討治

執金吾中尉豹

三

輔盜賊天下危

左馮翊盛宣

盜阻南山爲民災

右扶風李成信

外家公

主不可治

京兆尹

椒房率更領其材

詹事陳寧

蠻夷朝賀常舍其

典屬國

柱枿構櫨相枝持

大匠

枇杷橘栗桃李梅

大官令

走狗逐

兎張梁恩

上林令

鬻妃女脣甘如飴

郭舍人

迫窘詰屈幾窮哉

朔東方

孔融

離合作郡姓名字詩

漁父屈節水潛匿方與時進止出行施張呂公磯釣闔口
涓傍九域有聖無土不王好是正直女回于匡海外有截
隼逝鷹揚六翮將奮羽儀未彰蛇龍之蟄俾也可忘玳璇
隱曜美玉韜光無名無譽放言深藏按轡安行誰謂路長

魯國孔
融文舉

無名人

古五襍組

五襍組岡頭草往復還車馬道不獲己人將老

古兩頭織織

兩頭織織月初生半白半黑眼中睛扁扁膊膊雞初鳴羣

磊落落向曙星

兩頭纖纖青玉玦
半白半黑頭上髮
臚臚臚臚春冰裂
磊磊落落桃初結

吳孫皓

爾汝歌

晉武帝問孫皓聞南人好作爾汝歌頗能爲否皓正飲酒因舉觴勸帝歌云

昔與汝爲鄰今與汝爲臣
上汝一杯酒令汝壽萬春

晉傅玄

蘇伯玉妻盤中詩一首

各本選入漢詩今從玉臺新詠

山樹高鳥鳴悲泉水深鯉魚肥空倉雀常苦飢吏人婦會
夫稀出門望見白衣謂當是而更非還入門心中悲北上
堂西厯階急機絞杼聲催長歎息當語誰君有行妾念之
出有日還無期結巾帶長相思君忘妾天知之妾忘君罪
當治妾有行宜知之黃者金白者玉高者山下者谷姓爲
蘇字伯玉作人材多智謀足家居長安身在蜀何惜馬蹏
歸不速羊肉千斤酒百斛令君馬肥麥與粟今時人智不
足與其書不能讀當從中央周四角

傅咸

孝經詩

立身行道始於事親上下無怨不惡於人孝無終始不離
其身三者備矣以臨其民

以孝事君不離令名進思盡忠義則不爭匡救其惡災眚
不生孝悌之至通於神明

論語詩

守死善道磨而不磷直哉史魚可謂大臣見危授命能致
其身

克己復禮學優則仕富貴在天爲仁由己以道事君死而
後已

毛詩詩

無將大車維塵冥冥濟濟多士文王以甯顯允君子大猷
是經

聿修厥德令終有俶勉爾遐思我言維服盜言孔甘其何
能淑讒人罔極有覲面目

周易詩

卑以自牧謙尊而光進德修業既有典常暉光日新照于
四方小人勿用君子道長

周官詩

維王建國設官分職進賢興功取諸易直除其不蠲無敢
反側以德詔爵允臻其極

辨其可任以告于正掌其戒禁治其政令各修乃職以聽

王命

左傳詩

事君之禮敢不盡情敬奉德義樹之風聲昭德塞違不殞
其名死而利國以爲己榮茲心不爽忠而能力不爲利陷
古之遺直威黜不端勿使能植

賈充

與妻李夫人聯句

室中是阿誰歎息聲正悲

賈

歎息亦何爲但恐大義虧

李

大義同膠漆匪石心不移

賈

人誰不慮終日月有合離

李

我心子所達子心我所知賈若能不食言與君同所宜李

陸機

百年歌

一十時顏如舜華
暄有暉體如飄風
行如飛變彼孺子相
追隨終朝出游薄暮歸
六情逸豫心無違
清酒漿炙奈樂何

二十時膚體彩澤
人理成美目淑貌灼
有榮被服冠帶麗
且清光車駿馬游
都城高談雅步何盈
盈清酒漿炙奈樂
何清酒漿炙奈樂何

三十時行成名立
有令聞力可扛鼎志
干雲食如漏卮氣

如熏辭家觀國綜典文高冠素帶煥翩紛清酒漿炙奈樂
何清酒漿炙奈樂何

四十時體力充壯志方剛跨州越郡還帝鄉出入承明擁
大璫清酒漿炙奈樂何清酒漿炙奈樂何

五十時荷旄仗節鎮邦家鼓鐘嘈噴趙女歌羅衣綵粲金
翠華言笑雅舞相經過清酒漿炙奈樂何清酒漿炙奈樂
何

六十時年亦耆艾業亦隆驂駕四牡入紫宮軒冕婀娜那翠
雲中子孫昌盛家道豐清酒漿炙奈樂何清酒漿炙奈樂
何

七十時精爽頗損膂力愆清水明鏡不欲觀臨樂對酒轉
無歡攬行羞髮獨長歎

八十時明已損目聰去耳前言往行不復紀辭官致祿歸
桑梓安車駟馬入舊里樂事告終憂事始

九十時日告耽瘁月告衰形體雖是志意非言多謬誤心
多悲子孫朝拜或問誰指景玩日慮安危感念平生淚交
揮

百歲時盈數已登肌肉單四支百節還相患目苦濁鏡口
垂涎呼吸頻蹙反側難茵褥滋味不復安

潘岳

離合

佃漁始化人民穴處意守醇樸音應律呂桑梓被源卉木
在野錫鸞未設金石拂舉害咎蠲消吉德流普谿谷可安
奚作棟宇嫣然以憇焉懼外侮熙神委命已求多祐歎彼
季末口出擇語誰能默識言喪厥所壟畝之彥龍潛巖阻
眇義崇亂少長失敘

思楊容
姬難堪

顧愷之

神情詩

春水滿四澤夏雲多奇峰秋月揚明輝冬嶺秀孤松

蘇蕙

仁智懷德聖虞唐真妙顯華重雲章臣賢惟聖配英皇倚匹離飄浮江湘津
傷嗟情家明葩榮志庭闈亂作人讒佞奸凶害我忠貞桑凶慈雍思恭基河
慘歎中無鏡紛爲篤明難受膚原禍因所恃恣極驕盈榆頌孝和淑自爲隔
懷懷傷君朗光誰終榮苟不義姬斑女媧好辭釐漢成薄浸休家貞記孝塞
慕所路房容珠感誓城傾在戒后孽孽趙氏飛燕實生景讒退遠敦貞敬殊
增離曠幃飾曜思穹熒猶炎盛典漸至大伐用昭丹青昭愚謙危節所是山
憂經遐清華英多蒼形未在謹深慮微察遠禍在防萌西滋蒙疑容持從梁
心荒淫妄想感所欽岑幽巖峻嵯峨深淵重涯經网羅流光流電逝推生民
堂妃聞飛衣誰追何思情時形寒歲識凋松愆居歎如陽移陂施爲祇差生
空后中奮袞爲相如感傷在勞貞物知終始咎獨懷何潛西不何誰神無感
惟自節能我容聲將自攷君想顏衰改華容是與女賤矐日日激與通者曠
思興厲不歌治同情甯攷側夢人賢別行士念誰賤鄙翳白無憤將上采悲
詠風樊歎發觀羽纏龍旂容衣詩情明顯怨衰情時傾英殊衰殊身節菲路
和周楚長雙華宮憂虎彫飾繡始璇璣圖義年勞歎奇華年有志飾志封長

音南鄭歌商流徵腹繁華觀耀終始心詩興感遠殊浮沈時盛意塵哀遺身
藏召衛詠齊矐情多文矐壯顏無平蘇氏理往憂歲異浮惟必心華惟下微
摧伯女志興榮傷患藻榮麗光端此作麗詞日思暮世異逝倏違榮感體閔
悲窮河遐願翠感生嬰漫了宛詩風興鹿鳴懷悲哀誰游倏無一俯憂作已
聲窅廣路人粲我艱是漫是何桑翳感孟宣傷感情者頽然盈體仰情者處
發淑思透其威情惟憂何艱生時盛昭業傾思永戚我流若不忠容何成幽
曲姿歸迤頽悲苦懷思苦我章微恨微玄悼歎戚知沙馳虧離儀貲辭房
秦王懷土眷舊鄉身加兼愁悴少精神遐幽曠遠離鳳麟龍昭德懷聖皇人
商游桑鳩揚仇傷榮身我乎集殃愆辜何因備嘗苦辛當神飛文遺分歸賤
弦西翳雙激好摧君深日潤浸愆思罪積怨其根難尋所明輕殊孤乖雁爲
激階陰巢水悲容仁均物品育施生天地德貴平均勻專遵身粲妾殊翹女
楚步林燕清思發離濱漢之步飄飄離微隔喬木誰陰一感寄飾散聲應有
流東桃飛泉君歎殊心改者惑暄親問遠離殊我同衾志精浮光離哀傷柔
清願休翔流長愁方禽伯在誠故遺舊廢故君子惟新貞微雲輝羣悲春剛
琴芳蘭凋茂熙陽春牆面殊意感故新霜水齊潔志清純望誰思想懷所親

右璇璣圖

前秦苻堅時秦州刺史扶風竇滔妻蘇氏陳留令武功蘇道質第三女也名蕙字若蘭智識精明儀容妙麗謙默自守不求顯揚年十六歸於竇氏滔甚敬之然蘇氏性近於急頗傷嫉妬滔字連波右將軍于真之孫朗之第二子也神風偉秀該通經史允文允武時論高之苻堅委以心膂之任備歷顯職皆有政聞遷秦州刺史以忤旨謫戍燉煌會堅克晉襄陽慮有危徧藉滔才略詔拜安南將軍留鎮襄陽初滔有寵姬趙陽臺歌舞之妙無出其右滔置之別所蘇氏知之求而獲焉苦加捶辱

滔深以爲憾陽臺又專伺蘇氏之短讒毀交至滔深忿蘇氏蘇氏時年二十一及滔將鎮襄陽邀蘇氏同往蘇氏忿之不與偕行迺攜陽臺之任絕蘇氏音問蘇氏悔恨自傷因織錦爲迴文五采相宣瑩心輝目縱廣八寸題詩二百餘首計八百餘言縱橫反覆皆爲文章其文點畫無缺才情之妙超今邁古名曰璇璣圖然讀者不能悉通蘇氏笑曰喪回宛轉自爲語言非我家人莫能解之遂發蒼頭齋至襄陽滔覽之感其妙絕因送陽臺之關中而具車從盛禮迎蘇氏歸于漢南恩好愈重蘇氏所著文詞五千餘言屬隋季喪亂文字散落而追求

弗獲而錦字回文盛傳於世朕聽政之暇留心墳典散
帙之次偶見斯圖因述若蘭之多才復美連波之悔過
遂製此文聊示將來如意元年五月一日大周天册金
輪皇帝製

謝道韞

詠雪聯句

白雪紛紛何所似謝公撒鹽空中差可擬胡兒未若柳絮因風

起道韞

宋孝武帝劉駿

四時

薰茹供春膳，粟漿充夏餐。醢醬調秋菜，白醪解冬寒。

離合

霏雲起兮汎濫，雨霽昏而不消。意氣悄以無樂，音塵寂而
莫交。守邊境以臨敵，寸心屬於戎昭。閣盈圖滿，門絕賓僚。
仲秋始戒中園，初凋池育秋蓮。水滅寒漂，旨歸塗以易感。
日月逝而難要，分中心而誰寄。人懷念而必謠。悲客他方字

華林都亭曲水聯句

九宮盛事，予旒纒

帝

三輔務根誠，難亮

揚州刺史江夏王義恭

策拙

枌鄉慙恩望

南徐州刺史竟陵王誕

折衝莫效興民謗

領軍將

侍禁

衛儲恩踰量

太子右率暢

臣謬叨寵九流曠

吏部尚書莊

喉唇廢職

方思讓

侍中

明筆直繩天威諒

御史中丞
顏師伯

陶潛

止酒

居止次城邑逍遙自閑止坐止高蔭下步止尊門裏好味
止園葵大懼止稚子平生不止酒止酒情無喜暮止不安
寢晨止不能起日日欲止之營衛止不理徒知止不樂未
知止利已始覺止爲善今朝真止矣從此一止去將止扶
桑浹清顏止宿容奚止千萬祀

王韶之

詠雪離合

霰先集兮雪乃零散輝素兮被簷庭曲室寒兮朔風厲川
陸涸兮羣籟鳴

謝靈運

作離合

古人怨信次十日眇未央加我懷繾綣口脈情亦傷劇哉
歸游客處子勿相忘

別字

鮑照

數名詩

一身仕關西家族滿山東二年從車駕齋祭甘泉宮三朝
國慶畢休沐還舊邦四牡曜長路輕蓋若飛鴻五侯相饒

送高會集新豐六樂陳廣坐組帳揚春風七盤起長袖庭
下列歌鐘八珍盈彫俎綺肴紛錯重九族共瞻遲賓友仰
徽容十載學無就善宦一朝通

建除詩

建旗出燉煌西討屬國羌除去徒與騎戰車羅萬箱滿山
又填谷投鞍合營牆平原亘千里旗鼓轉相望定舍後未
休候騎敕前裝執戈無暫頓彎弧不解張破滅西零國生
虜卸支王危亂悉平蕩萬里置關梁成軍入玉門士女獻
壺漿收功在一時歷世荷餘光開壤襲朱紱左右佩金章
閉帷草太元茲事殆愚狂

與謝尚書莊三連句

霞輝兮澗朗日靜兮川澄風輕桃欲開露重蘭未勝水光
溢兮松霧動山煙疊兮石露凝掩映晨物綵連綿夕羽興
月下登樓連句

鬢髮蘿月光繽紛篁霧陰樂來亂憂念酒至歇憂心鮑博

露入覺牖高雲蜚測苑深清氣澄永夜流吹不可臨王延秀

密峰集浮碧疎瀾道瀛尋嗽玉延幽性攀桂藉知音荀原

辰意事淪晦良歡戒勿復昭景有遺駟疏賈無留金荀中書萬

秋

謝世基

連句詩

偉哉橫海鯨壯矣垂天翼一旦失風水翻爲螻蟻食世功基

遂侔昔人保退無智力既涉太行險斯路信難涉

晦

何長瑜

離合詩

宜然悅今會且怱明晨別肴藪不能甘有難不可雪

賀道慶

離合詩

促席宴閒夜足歡不覺疲詠歌無餘願永言終在斯

信字

王微

四氣

蘅若首春華梧楸當夏翳鳴笙起秋風置酒飛冬雪

王歆之

效孫皓爾汝歌

昔爲汝作臣今與汝比肩既不勸汝酒亦不願汝年

齊王融

奉和竟陵王郡縣名

追芳承荔浦揖道訊虛邱升裾臨廣牧從望盡平洲曾山
臨翠坂方渠緬清流陽臺翻早茂陰館懷名秋歲宴東光
弭景仄西華收端溪慙昔彥測水謝前修往食曲阜盛今

屬平臺游燕棠缺初雅鄭袞息遺謳久傾信都美乃結茂
陵儔河間誠可詠南海果難游

春游迴文詩

枝分柳塞外葉暗榆關東垂條逐絮轉落蕊散花叢池蓮
照曉月幔錦拂朝風低吹襍綸羽薄粉豔妝紅離情隔遠
道歎結深闔中

藥名

重臺信嚴敞陵澤乃閒荒石蠶終未繭垣衣不可裳秦芎
留近詠楚蘅摺遠翔韓原結神草隨庭銜夜光

星名

眇歎屬辰移端憂臨歲永久漸入漢客每愧遵河影仙羽
誠不退蓬襟良未整誰謂無正心大陵有霜穎

四色詠

赤如城霞起青如松霧澈黑如幽都雲白如瑤池雪
離合賦物爲詠

冰容慚遠鑒水質謝明暉是照相思夕早望行人歸火
雙聲詩

園蘅眩紅蘼湖荇燁黃華迴鶴橫淮翰遠越合雲霞

代五襍組

五襍組慶雲發往復還經天月不獲已生胡越

奉和織織

兩頭織織綺上紋半白半黑鷓鴣羣
膈膈膊膊烏迷矚磊磊落落玉石分

謝朓

阻雪連句遙贈和

積雪皓陰池北風鳴細枝九逵密如繡何異遠別離

謝朓

風

庭舞流霰冰沼結文澌飲春雖以煥欽賢紛若馳

江秀才

革

珠

雲條閒響玉溜簷下垂杯酒不相接寸心良其知

王融

丞

飛

雲亂無緒結冰明曲池雖乖促席讌白首信勿虧

王蘭陵僧孺

陵

飛

飄素瑩簷溜巖結噎通岐尊壘如未澣況乃限音儀

謝洗馬

吳

原隰望從倚松筠竟不移隱憂惡萱樹忘懷待山巒

劉中書繪

初昕逸翮舉日昃驚馬疲幽山有桂樹歲暮方參差

沈右率約

還塗臨渚

綠水纈清波青山繡芳質落景皎晚陰殘花綺餘日

何從事

白沙澹無際青山眇如一傷此物運移惆悵望還律

吳白郎

水田外明孤嶺松上出卽趣佳可淹淹留非下秩

謝

紀功曹中園

蘭亭仰遠風芳林接雲嶠傾葉順清飈修莖佇高鶴

何從事

連綿夕雲歸暝曖日將落寸陰不可留蘭墀豈停酌

吳郎丹

纓猶照樹綠筠方解籜永志能兩忘卽賞謝邱壑

謝

閒坐

雨洗花葉鮮泉漫芳塘溢藉此閒賦詩聊用蕩羈疾

陳郎霰

霰微雨散葳蕤蕙草密預藉芳筵賞霑生信昭悉

紀功曹晏

紫

葵窗外舒青荷池上出既闔潁川扉且臥淮南秩

謝

流風

蕩晚陰行雲掩朝日念此蘭蕙客徒有芳菲質

何從事

侍筵西堂落日望鄉

沈病已綿緒負官別鄉憂高城淒夕吹時見國煙浮

曹丞漠

漠輕雲晚颯颯高樹秋鄉山不可望蘭卮且獻酬

謝

旻高

識氣迴泉渟知潦收幸過慶筵渥方且沐恩猷

紀功曹晏

芸黃

先露早騷瑟驚暮秋舊城望已肅況乃客悠悠

何從事

往敬亭路中

山中芳杜綠江南蓮葉紫芳年不共游淹留空若是

謝綠

水豐漣漪青山多繡綺新條日向抽落花紛已委

何從弱

夔既青翠輕莎方霍靡鷺鷥沒而游麕麕騰復倚

齊舉春

岸望沈沈清流見瀾瀾幸藉人外游盤桓未能徙

陳驚樾

把瓊芳隨山訪靈詭榮楯每嶙峋林堂多碣礧

謝

祀敬亭山春雨

水府眾靈出石室寶圖開白雲帝鄉下行雨巫山來

謝歌

風讚靈德舞蹈起輕埃高軒乍留吹玄羽或徘徊

何從福

降羣仙下識逸百神該青鳥飛曾隙赤鯉泳瀾隈

齊舉

石道慧

離合詩

好仇華良夜子歡我亦欣
吳穹出明月一坐感良晨
媛

梁武帝蕭衍

清暑殿效柏梁體

居中負宸寄纓紱
帝言慚輻輳政無術
新安太守任昉至德無垠

愧違弼
侍中徐勉變贊京河豈微物
丹陽城劉汛竊侍兩宮慚樞密

黃門侍郎柳澄清通簡要臣豈汨
吏部郎中謝覽出入帷宸濫榮秩
侍中張卷

複道龍樓歌琳寶
太子中庶子王峻空班獨坐慚羊質
御史中丞陸杲嗣

以書記臣敢匹
右軍主簿陸倕謬參和鼎講畫一
司徒主簿劉裕鼎味參

和臣多匱

司徒左曹屬江曹

昭明太子蕭統

大言

觀修鷗其若轍鮒視滄海之如濫觴經二儀而跼蹐跨六合而翱翔

細言

坐臥鄰空塵憑附蝶螟翼越咫尺而三秋度毫釐而九息
簡文帝蕭綱

藥名詩

朝風動春草落日照橫塘重臺蕩子妾黃昏獨自傷燭映

合歡被帷飄蘇合香
石墨聊書賦鉛華
試作妝徒令惜萱
草蔓延滿空房

卦名詩

櫛比園花滿徑復
水流新離禽時入
袖旅谷乍依蘋豐
壺要上客鶴鼎命
嘉賓車由泰夏闔
馬散咸陽塵蓮舟
雖未濟分密已同
人

和湘東王後園迴文詩

枝雲閒石峰脈水
浸山岸池清戲鵲
聚樹秋飛葉散

詠雪

顛倒
使韻

鹽飛亂蝶舞花落
飄粉匳匳粉飄落
花舞蝶亂飛鹽

元帝繹

宮殿名詩

林閒花欲然竹逕露初圓
鬪雞東道上走馬北塲邊
合歡依暝卷葡萄向日鮮
旗亭覓張放香車迎董賢
定隔天淵水相思夜不眠

縣名詩

長陵新市北鄭衛好容儀
先過上蘭苑還牽高柳枝
薄妝宜入鏡舒花堪照池
蒲洲涵水色椒壁禼風吹
此時方夜飲平臺傳羽卮

姓名詩

征人習水戰辛苦配戈船
夜城隨偃月朝軍逐避年
龍吟澈水渡虹光入夜圓
濤來如陳起星上似烽然
經時事南越還復討朝鮮

將軍名詩

虎旅皆成陳龍騎盡能躡
鳴鞭俱破虜決勝往長榆
細柳浮輕岸大樹繞栖烏
樓船寫退鷁檣鳥狎飛鳧
渡河還自許偏與功名俱

屋名詩

梁園氣色和斗酒共相過
玉柱調新曲畫扇掩餘歌
深潭影菱菜絕壁挂青蘿
木蓮恨花晚薔薇嫌刺多
含情戲芳

節徐步待金波

車名詩

長壚帶江轉連蕙映日分佳人坐椒屋接席對蘭薰繞砌
繁流水邊梁圖畫雲錦色縣殊眾衣香遙出羣日暮輕帷
下黃金妾贈君

船名詩

天際浮雲飛三翼自相追池模白鵝舞簷知青雀歸華淵
通轉塹伏檻跨相磯松澗流星影桂窗斜月暉思君此無
極高樓淚染衣

歌曲名詩

嗚烏怨別偶曙鳥憶離家石闕題書字金鐙飄落花東方
曉星沒西山晚日斜縠衫迴廣袖團扇掩輕紗暫借青驄
馬來送黃牛車

藥名詩

戍客恆山下常思衣錦歸況看春草歇還見雁南飛蠟燭
凝花影熏臺閉綺屏風吹竹葉袖網綴流黃機詎信金城
裏繁露曉霑衣

針穴名詩

金推五百里日晚唱歸來車轉承光殿步上通天臺釵臨
曲池影扇拂玉堂梅先取中庭入罷逐步廊迴下闕那早

閉人迎已復開

龜兆名詩

士膏春氣生倡女協春情魚游蓮北水鵠作遼東鳴折梅
還插鬢盞柱更移聲銀燭含朱火金鑪對寶筮百枝凝夕
炤卻月隱高城

獸名詩

豹韜求祕術虎略選良臣水涉黃牛浦山過白馬津推鋒
上狐塞畫象入麒麟果下新花落桃枝芳樹春王孫及公
子熊席復橫陳

鳥名詩

方舟去鵝鵲鶴引欲相要晨臯移去舸飛燕動歸橈
籬人憐夜刻鳳文念吹簫雀釵照輕幌翠的繞纖腰
復聞朱鷺曲鈺管襍迴潮

樹名詩

趙李競追隨輕衫露弱枝杏梁始東照柘火未西馳
香因玉釧動佩逐金衣移柳葉生眉上珠璫搖鬢垂
逢君桂枝馬車下覓新知

草名詩

胡王迎娉主塗經蔽北海金錢買含笑銀缸影梳頭
初控游龍馬仍移卷柏舟中江離思切蓬鬢不堪秋
況度菖蒲

海落月似縣鉤

相名詩

仙人買玉杖乘鹿去山林浮杯度池曲摩鏡往河陰井內
書銅版竈裏化黃金妻搖五明扇妾弄一弦琴暫游忽千
里中天那可尋

離合

沈寥雲初淨水木備春光龕定方無遠合浦不難航

寵

後園作迴文詩

斜峰繞徑曲聳石帶山連花餘拂戲鳥樹密隱鳴蟬
宴清言殿作柏梁體

玉衡七政轉璇璣

帝

升降端揆而才非

侍中尚書
僕射臣哀

澄鏡朱

紫眇難追

吏部尚
書臣敷

宣帝誓

建除詩

建國惟神業十世本靈長
除苛逾漢祖後后類殷湯
滿盈既虧度否運理還康
平階今復覩德星行見祥
定寇資雄略靜亂屬賢良
執訊窮郢魯弔伐徧徐揚
破敵勳庸盛佩紫且懷黃
危苗既已竄妖沴亦云亡
成功勒雲社治定理要荒
收戟歸農器牧馬恣芻場
開山接梯路架海擬山梁
閑欲同彭老延壽等東皇

八代詩選 漢至隋
邵陵王綸

和湘東王後園迴文詩

燭華臨靜夜香氣入重幃曲度聞歌遠繁弦覺舞遲

沈約

奉和竟陵王郡縣名

西都富軒冕南宮溢才彥高闕連朱雉方渠漸游殿廣川
肆河濟長岑繞滄汧曲梁濟危渚平皋騁悠眊清淵皎澄
徹曾山鬱葱蒨陽泉濯春藻陰邱聚寒霰西華不可留東
光促奔箭望都游子懷臨戎征馬倦旣豫平章集復齒南
皮宴一窺長安城羞言杜陵掾

奉和竟陵王藥名

丹草秀朱翹重臺架危岳木蘭露易飲射干枝可結陽暉
采辛夷寒山望積雪玉泉亟周流雲華乍明滅合歡葉暮
卷爵林聲夜切垂景迫連桑思仙慕雲瑋荆實剖丹瓶龍
芻汗奔血照握乃夜光盈車非玉屑細柳空葳蕤水萍終
委絕黃符若可挹長生永昭皙

和陸慧曉百姓名

建都望淮海樹闕表衡稽井榦風雲出柏梁星漢齊皇王
臨萬宇惠化覃黔黎吉士服仁義宿昔秉華圭唐賢起幽
谷欽言非象犀端委康國步偃息召邦攜舉政方分策易

紀粲金泥伊余沐嘉幸由是別園畦曾微涓露答光景遂
雲西方隨煉丹子薄暮矯行迷

大言應令

隘此大汎庭方知九垓局窮天豈彌指盡地不容足

細言應令

開館尺捶餘築榭微塵裏蝸角列州縣毫端建朝市

王錫

大言應令

欲游五嶽迫不得申杖千里之木鱸橫海之鱗

細言應令

冥冥藹藹離朱不辨其實步蝸角而三伏經鍼孔而干日
王規

大言應令

俯身望日入下視見星羅噓八氣而爲風吹四海而揚波
細言應令

鍼鋒于焉止息髮杪可以翱翔蚊眉深而易阻蟻目曠而
難航

張纘

大言應令

河流旣竭日月俱騰豈羅微物動落雲鵬

細言應令

敖游蟻目辨輕塵蚊睫成宇蝨如輪

殷鈞

大言應令

噫氣爲風揮汗成雨聊灼戴山龜欲持探邃古

細言應令

汎舟毛滴海爲政蝸牛國消搖輕塵上指塵問南北

范雲

建除詩

建國負東海衣冠成營邱除道梁淄水結駟登之采滿座

咸嘉友蘋藻絕時羞平望極聊攝直視盡姑尤定交無恆
所同志互相求執手歡高宴舉白窮獻酬破琴豈重賞臨
濠甯再儔危生一朝露螻蟻將見謀成功退不處爲名自
此收收名棄車馬單步反蝸牛開渠納秋水相土播春疇
閉門謝世人何欲復何求

數名詩

一鼓有餘氣趨勇正紛紜二廣無遺略雄虎自爲羣三河
尙擾攘楯櫓起橫楹四巡駐青蹕瘞玉曠亭云五十又舒
旆旗幟日繽紛六郡良家子慕義輕從軍七獲美前載克
俊嘉首聞八音佇繁律將以安司勳九命旣斯復金璧固

宜紛十難康有道延首望卿雲

州名詩

司春命初鐸青耦肆中樊逸豫誠何事稻梁復宜教徐步
遵廣隰翼以寫憂源楊柳垂場圃荆棘生庭門交情久所
見益友能孰存

奉和齊竟陵王郡縣名詩

撫戈金城外解佩玉門中白馬騰遠雪蒼松壯寒風臨涇
方辨渭安夷始和戎取禾廣田北驅獸飛狐東新城多雉
堞故市絕商工海西舟楫斷雲南煙霧通罄節疇盛德宣
力照武功還飲漁陽水歸轉杜陵逢

擬古五襍組詩

五襍組會塗山往復還兩峭關不得已嬌與鰥

擬古四色詩

丹如桓公廟青如夕郎門黑如南巖礪白如東山
蝮
四色詩

折柳青門外握蘭翠疏中綠蘋騁春日碧渚澹時風
差池朱鷺去續翻赤雁歸澆澗丹魚聚聯翻血鳥飛
素鱗颺北渚白水杜南宛獻環潤玉塞歸珠照瓊轅
烏林葉將霞墨池水就乾玄豹藏暮雨黑蝮凌夜寒

庾肩吾

奉和藥名詩

英玉牧荆楚聽訟出池臺督郵稱蝗去亭長說烏來行塘
朱鷺響當道赤帷開馬鞭聊寫賦竹葉暫傾杯

曲水聯句

春色明上巳桃花落繞溝波迴后不進綸下鉤時留臣終

水時迴岸花觴轉更周陳肴渡玉俎垂餌下銀鉤王臺迴

川入帳殿列俎閒芳洲漢艾凌波出江楓拂岸游廣肩王

生迴水碓蔡姬蕩輕舟岸燭斜臨水波光上映樓文簡

八關齋夜賦四城門更作四首

伏枕愛危光疴纏生易折無因雪岸草慮反砒山穴徐消

渴腴腸腑疼蹇嬰肢節如何促齡內憂苦無暫缺

孔熹

第一賦韻東城門病

虛蕉誠易犯危藤復將嚼一隨柯已微當年信長訣

諸葛曄

已同白駒去復類紅花熱妍容一旦罷孤鐙行自設

庾

南城門老

緩心雖殊用滅景甯優劣一隨業風盡終歸虛妄設

王臺卿

五陰誠爲假六趣甯有截零落竟同歸憂思空相結

李鏡遠

西城門死

俗幻生影空憂繞心塵曠於茲排四纏去矣求三涅

簡下文

學輩留心方從窈冥別已悲境相空復作泡雲滅

庾

北城門沙門

空疴誠易愈有病故難痊徒知餌五色終當悲九泉

王臺卿

已無雲山草沈痼竟誰憐復悲淪苦海何由果淨天

諸葛嶷

第二賦韻東城門病

昔類紅蓮草自玩綠池邊今如白華樹還悲明鏡前

簡文壯

心欲何在餘日乃西遷清尊不復樂蓬鬢豈還妍

徐防

南城門老

高堂信逆旅懷業理常牽玉匣方委襯金臺不復延

庾挽

聲隨逕遠蘿影帶松懸詎能留十念唯應逐四緣

王臺卿

西城門死

經行林樹下求道志能堅既有神通力振錫遠乘煙

李鏡遠

一登四弘誓至道莫能先不貪曠劫壽無論延促年

孔熹

北城門沙門

纏疴緬百年自傷無五福長縈畫篋蛇不值仙人鹿

簡文習

染迷畫瓶臥起求棲宿羅襦豈再歡臨岐方土木

庾肩吾

第三賦韻東城門病

少年愛紈綺衰暮慙羅縠徒傷歲冉冉陳詩非郁郁

王臺卿

鶴髮辭軒冕鮐背烹葵菽松柏稍相依懼愛時睦睦

李鏡遠

南城門老

追念平生時遨游上苑園一沒松柏下春光徒儻昱

孔熹結

根素因假枝葉綠骨肉自應螻蟻驅值此風刀逐

諸葛燈

西城門死

俗繭厭纏絲因由抽善穀長披忍辱鎧去此織羅服徐防願

引三塗眾俱令十使伏珠月猶沈首金錁未挑目庾肩吾

北城門沙門

紫紩未可得漳濱徒再離一逢犬馬病賁育罷驅馳李鏡遠

已無九轉術復闕萬金奇不看投疆掌唯夢蓮花池庾

第四賦韻東城門病

盛年歌吹日願步惜容儀一朝衰朽至星星白髮垂孔己

傷萬事盡復念九門枝垂軒意何在獨坐鏡如斯庾

南城門老

一息於今罷平生詎可規天長曉露促千齡誰復知

簡文華

堂一相捨松帳杳難窺萬祀藏珠應千年罷玉羈

徐防

西城門死

深心不可染正道亦難欬方除五欲累長辭三雅卮

王臺卿

依空慮難靜習善路猶弛沒身竟靡託單孟詎待貲

諸葛

北城門沙門

何遜

送褚都曹聯句

君隨結客去我乃倦游歸本願同棲息今成相背飛

送司馬 八五城聯句

隨風飄岸葉行雨暗江流居人會應返空欲送行舟

擬古三首聯句

家本青山下好上青山上青山不可上一上一上惆悵遜 匿

中一明鏡好鑑明鏡光明鏡不可鑑一鑑一情傷范雲 少知

雅琴曲好聽雅琴聲雅琴不可聽一聽一靄纓劉孝綽

往晉陵聯句

臨別我傷悲送歸子自適劉金不可散卜蓋何由惜遜 從

來重分陰未曾輕尺璧故任情一異於是望三益高爽 爾自

高樓寢予返東臯陌寄語落毛人非復平原客遜 問舍且

求田音亂無可擇勝門成好事盤紆欲何索

爽

范廣州宅聯句

洛陽城東西卻作經年別昔去雪如花今來花似雪

雲濛

濛夕煙起奄奄殘暉滅非君愛滿堂甯我安車轍

遜

相送聯句

寸陰常可惜別至倍傷神子瞻天際水予望路中塵

韋黯憫

憫岐路側去去平生親一朝事千里流涕向三春

遜昔共

入門笑今成送別悲君還舊聚處爲我一嘔眉

乘王江於今

還促鄰自此客江湄願子俱停駕看我獨解維

遜

至大雷聯句

高談會良夕滿酒對羈情
閔閔風煙動蕭蕭江雨聲

遜密

雲窮浦暗飛電遠洲明
若非今宴適詎使客愁輕

劉遜遙舟

似連雁遠火若迴星
江潭望如此銜卮其君傾

桓季珪

賦詠聯句

傲履常決踵眉高起半額
曼倩爾何爲獨歎長安索

遜工

商旣慚巧農士聊相易
蠲腹有餘資鴻眉方可拍

江攝職

媿握蘭濫官悲執戟連章
旣不敏高談豈能劇

孺

逸翮任

奮飛窘步事羈勒還鳥
余能繫流言爾無惑

革

憂懷乃干

載永懽常數刻直是悲別離
非關念通塞

遜

日照沙汀素

山影波浪黑爾恨大江南
余歸茂陵北

孺

臨別聯句

臨別情多緒送歸涕如霰君望長安城予悲獨不見

遜

爾

來同去國予歸方異縣懷別心獨憂手淚方濺濺

璠

增新曲相對聯句

酒闌日隱樹上客請調弦嬌人挾瑟至透迤未肯前

劉孝勝

舊愛今何在新聲徒自憐有曲無人聽徒倚高樓前

何澄 徘徊

徊映日照轉側被風吹徒爲相思響傷春君不知

劉綺

月昏

樓上坐含悲望別離已切空牀怨復看花柳枝

遜

照水聯句

插花行理鬢還延去復歸雖憐水上影復恐溼羅衣

遜 臨

橋看黛色映渚媚鉛暉不顧春荷動彌畏小禽飛

綺

折花聯句

笑出春園裏望花聯蹇纈欲以閒珠鈿非爲相思折

遞日

照爛成綺風來聚疑雪試采一枝歸願持因遠別

綺

搖扇聯句

紉扇已新製蕩婦復新妝欲掩羞中笑還飄袖裏香

遞在

握時搖動當歌掩抑揚誰云減羅袂影日聊自障

綺

正釵聯句

竹臺歸欲礙花林出未通度簪先分影轉珥忽瞻風

遞雙

橋耀寶鈿闕密復叢羞令挂纓闕整插補餘空

綺

蕭巡

離合詩贈尙書令何敬容

伎能本無取支葉復單貧柯條謬承日木石豈知晨狗馬
誠難盡犬羊非易馴噉既不以學步孰能真寔由素朝
典是曰蠹彝倫俗化於茲鄙人塗自此分

虞羲

數名詩

一去濠水陽連翩遠爲客二毛颯已垂家貧無所擇三徑
日荒疏遙人心不懌四豪不降意何事黃金百五日來歸
者朱輪竟長陌六郡輕薄兒追隨窮日夕七發動音容賓

八什詩選 漢至隋
從紛弈弈八表服英嚴光光滿墳籍九流意何以守元遂
成白十載職不移來歸落松柏

劉溉

儀賢堂監策秀才聯句

雄州試異等揚庭乃專對顧學類括羽奇文若錦績溉滋

蘭成秀晚照車光赤珮攝官惡簪帶疲疴謝名輦盧乙奏

飲餘列甲科光往載深奇無絕蹤孫董有遺槩伏春風酒

宛轉遲光乍明昧列秀總中筵羣才盛皇代王如綸疾影

響裁蒲啟蒙昧雕龍既已彰青紫行當佩王哀然既玉響

高榮亦蘭綵廣川良易追淄水非難配 貢士光相門搜

賢盡幽塞善說理無窮借書心靡誨
來彥各東西翼亮

更出內康哉信在今伊余事耕耒

後三首
闕名

陳沈炯

離合詩贈江藻

開門枕芳野井上發紅桃林中藤蔦秀木末風雲高屋室
何寥廓至士隱蓬蒿故知人外賞文酒易陶陶友朋足諧
晤又此盛詩騷朗月同攜手良景共含毫樂巴有妙術言
是神仙曹百年事偃仰一理詎相勞

閑居
有樂

建除詩

建章連鳳闕藹藹入雲煙除庭發槐柳冠劍似神仙滿衢

飛玉軼夾道躍金鞭
平明塵霧合薄暮風雲驚
定交太學裏射策雲臺邊
執事一朝謬朝市忽崩遷
破家徒殉國力弱不扶顛
危機空履虎繫惡豈如鷓成師
鑿門去敗績裹尸旋收魂
不入斗抱景問穹玄開顏何所說
空憶平生前閉門窮巷里靜埽詠歸田

六府詩

水廣南山暗杖策出蓬門
火炬村前發林煙樹下昏
金花散黃纈蕙草葆芳蓀
木蘭露漸落山芝風屢翻
土膏行已冒抱甕憶中園
穀城定若近當終黃石言

八音詩

金屋貯阿嬌樓閣起迢迢石頭足年少大道跨河橋絲桐
無緩節羅綺自飄飄竹煙生薄晚花色亂春朝匏瓜詎無
匹神女嫁蘇韶土地多妍冶鄉里足塵蹠革年未相識聲
論動風飈木桃堪底用寄以答瓊瑤

六甲詩

甲坼開眾果萬物具敷榮乙飛上危幕雀乳出空城丙魏
舊勳業申韓事刑名丁翼陳詩罷公綏作賦成戊巢花已
秀滿塘草自生己乃忘懷客榮樂尙關情庚聞鳥轉肅
肅望鳧征辛酸多憫惻寂寞少逢迎壬蒸懷太古覆妙佇
無名癸已空施位詎以召幽貞

十二屬詩

鼠迹生塵案牛羊暮下來虎嘯生空谷兔月向窗開龍隰
遠青翠蛇柳近徘徊馬蘭方遠摘羊負始春栽猴栗羞芳
果雞跣引清杯狗其懷物外豬蠶窅悠哉

張正見

星名從軍詩

將軍定朔邊刁斗出祁連高柳橫遙塞長榆接遠天井泉
含凍竭烽火照山然欲知客心斷危旌萬里懸

賦得山卦名

蓬萊遯羽客巖穴轉蒙籠雲歸仙井暗霧解石橋通影帶

臨峰鶴形隨襍雨風尋師不識路咸欲馭飛鴻

祖孫登

宮殿名登高臺詩

獨有相思意聊敝鳳皇臺蓮披香稍上月明光正來離鵠
將雲散飛花似雪迴遙思竹林友前窗夜夜開

北魏孝文帝拓拔宏

縣瓠方丈竹堂饗侍臣聯句

白日光天兮無不曜江左一隅獨未照帝願從聖明兮登

衡會萬國馳誠混內外彭城王勰雲雷大振兮天門闢率土來

賓一正歷鄭舜舞千戚兮天下歸文德遠被莫不思鄭道昭

皇風一鼓兮九地匝戴日依天清六台

邢

遵彼汝墳兮昔

化貞未若今日道風明

帝

文王政教兮暉江沼甯如大化

光四表

宋

節閔帝恭

聯句詩

帝使辭孝通等相嘲以酒爲韻

既逢堯舜君願上萬年壽

孝通

平生好元默慚爲萬國首

帝

帝曰卿所謂壽豈得徒然便命酌酒仍命更嘲孝通以

忠爲韻

聖主臨萬機享世永無窮

元

豈唯被豐草方亦及昆蟲

孝通

賢朝既濟濟野苗又芄芄元君臣體魚水書軌一華戎帝

微臣信慶渥何以答華嵩孝通

北齊蕭祇

和迴文詩

危臺出岫迴曲澗上橋斜池蓮隱弱菱徑篠落藤花

北周庾信

春日離合

秦青初變曲未有逐琴心明年花樹下月月來相尋
田家足閒暇士友暫流連三春竹葉酒一曲鷓鴣弦

和迴文

早蓮生竭鏤嫩菊養秋隣滿池留浴鳥分橋上戲人

問疾封中錄

雙聲

形骸違學宦狹巷幸爲間虹迴或有雨雲合又含寒橫湖
韻鶴下迴溪狹蛻還懷賢爲榮衛和緩惠綺紈

隋辛德源

星名

邊祿昏高柳燿火照離宮明堂發三令句陳集五戎素扇
麾全月朱旗引半虹虎落驚氛斂龍城宿霧通擊鐘張大
樂置酒宴羣公關山無復阻車書方大同

釋曇延

戲題方圓動靜四字

方如方等城圓如智慧日動則識波浪靜類涅槃室